

十

兵部則例



兵部則例

武選清吏司

大閱

一大閱。順治十三年奏準。冬季農畢之時。大閱武事。令官兵披執操演。宰牛羊。設筵燕黜陟賞罰。次日進表謝。

恩。○十六年

諭。大閱典禮。三年一行。已永著為例。連年尚未修舉。今不得再緩。著即傳諭各旗官兵。整肅軍容。候秋月。朕親行閱視。爾部即詳察應行事宜。擇吉具奏。欽此。○

康熙二十四年

諭。國家武備不可一日懈弛。舊例每歲必操練將士。習試火礮。爾部即傳諭八旗都統等。預為整備。朕將親閱焉。欽此。是年

聖祖仁皇帝。由午門出宣武門。八旗都統各帥所部將士。擐甲胄。佩弓矢。建旗纛。自灣子里夾道分列。至拱極城。前鋒官軍。自蘆溝橋夾道分列。至王家嶺山麓。官軍排槍列礮。分東西次第布列。

聖祖仁皇帝。登王家嶺。陞座。軍中吹螺角者三。發巨礮三。排槍相繼齊發。已而

命將士發巨礮。八旗所列將軍礮位。及諸火器。一時並發。凡二次。乃

御行宮。召扈從諸王內大臣等

賜宴畢。復

御黃幄。設布侯。校射而還。○三十一年

聖祖仁皇帝。幸玉泉山大閱。八旗前鋒護軍驍騎及火器營兵。皆擐甲胄。分翼排列。

聖祖仁皇帝。由右翼至左翼。周閱畢。登玉泉山

御黃幄。官兵吹角發礮三次。馬步軍鳥槍齊發。以次退

立

命八旗鳥槍兵。演習連環旋轉二式。放槍各一次。○三十四年。

聖祖仁皇帝。幸南苑大閱。擇於南苑西紅門內曠地。八旗官兵槍礮。按旗排爲三隊。第一隊。以漢軍火器營鳥槍步軍居中。礮位排列左右。滿洲火器營鳥槍列於礮之兩旁。第二隊。以前鋒兵居中。八旗護軍列兩旁。第三隊。列八旗護軍。兩翼則設應援兵。屆期。

聖祖仁皇帝。率

皇子等。探甲。前張黃蓋。內大臣。侍衛。大學士。及各

部院大臣。均扈從。繼以豹尾班侍衛。後建兩大燾。上三旗侍衛探甲。均按次隨從。

駕至。周閱八旗兵陣。火器營立於馬軍之前正中。鳴角者三。擊鼓。步軍昇鹿角大礮。衆兵齊進。鳴金而止。發鳥槍一次。如是者九。第十次。火器營馬步軍槍礮。連環齊發。無間。鳴金而止。開鹿角爲八門。後二隊馬軍隨出。既成列。鳴角。呼譟而進。復鳴角收軍。立於本陣。其殿軍立於後。大閱畢。

駕還行宮。

特降勅諭。申明軍令。宣示於大閱之地。是日未閱前官

兵均

賜食閱後

賜酒

○雍正六年奏準。大閱官兵數目。及器械營伍。均宜定有成規。以垂永久。嗣後凡遇大閱列陣。頭隊之前。漢軍火器營官兵排立。每旗鹿角二十。昇鹿角綿甲兵八十人。鹿角兩旁引繩兵四人。長槍二十。連枷棍二十。每旗神威將軍礮十。礮手三十人。掌礮車驍騎百有十人。烏槍百。護礮烏槍驍騎百人。叅領纛十。執纛驍騎三十人。小旗二十。負小旗隨礮領催二十人。紅旗二。麾

旗領催二人。金五。鼓一。鳴金驍騎十人。昇鼓綿甲兵四人。擊鼓驍騎二人。海螺五。鳴螺驍騎五人。每旗叅領二人。散秩官十人。驍騎校十人。漢軍烏槍營。每旗纛一。執纛領催一人。驍騎三人。隨纛散秩官一人。領催二人。驍騎二十人。叅領纛五。執纛驍騎十有五人。紅旗二。麾旗領催二人。烏槍領催二十人。烏槍驍騎二百人。小旗二十。烏槍二百二十。金五。鼓一。鳴金驍騎十人。昇鼓綿甲兵四人。擊鼓驍騎二人。海螺十有三。鳴螺驍騎十有三。人。每翼都統二人。每旗副都

統一人。參領二人。散秩官五人。給使官二人。驍騎校七人。以上八旗漢軍火器營都統。副都統十有二人。將校三百十有二人。礮手二百四十人。隨礮領催。驍騎二千二百三十二人。烏槍領催。驍騎二千三百四人。舁鹿角。舁鼓。引繩。綿甲兵七百三十六人。共兵五千五百十有二人。應用旗纛八。參領纛百二十。紅旗三十二。小旗三百三十六。神威將軍礮八十。烏槍二千五百六十。鼓十有六。金八十。鹿角百六十。海螺百四十四。連韃棍百六十。長槍百六十。八旗滿洲火

器營。總統五人。每旗纛二。執纛護軍四人。紅旗一。麾旗護軍二人。小旗十二。員小旗。烏槍什長十有二人。海螺十。鳴螺護軍十人。烏槍護軍參領二人。護軍校十有四人。烏槍百二十。護軍百二十人。驍騎營。每旗子母礮六。每礮小旗一。員小旗。隨礮領催一人。驍騎九人。纛一。執纛驍騎二人。參領一人。散秩官五人。驍騎校五人。烏槍驍騎營。每旗纛二。執纛驍騎四人。紅旗一。麾旗驍騎二人。小旗十有二人。員小旗。領催十有二人。海螺十。鳴螺驍騎十人。烏槍營參領二人。散

秩官七人。驍騎校十有四人。烏槍百二十。驍騎  
百二十人。以上八旗滿洲火器營總統五人。將  
校四百人。烏槍護軍九百六十人。烏槍什長九  
十六人。烏槍驍騎九百六十人。烏槍領催九十  
六人。礮營領催驍騎四百八十人。執旗鳴螺護  
軍領催驍騎二百七十二人。共兵二千八百六  
十四人。應用烏槍千九百二十。海螺百六十。轟  
四十。紅旗十有六。小旗二百四十。子母礮四十  
八。頭隊前鋒營。每翼前鋒統領一人。每旗前鋒  
叅領一人。前鋒侍衛一人。每佐領下前鋒一人。

於前鋒數內。每旗撥前鋒校八人。小旗八。海螺  
四。烏槍人數。按撥出前鋒之數。每前鋒二人。用  
烏槍前鋒一人。護軍營。每翼護軍統領一人。每  
旗護軍叅領五人。每佐領下護軍二人。每旗護  
軍統領轟一。八旗海螺共五十四。每護軍四人。  
用小旗一。驍騎營。每翼都統二人。每旗副都統  
一人。叅領二人。每叅領下散秩官二人。驍騎校  
二人。每佐領下領催驍騎二人。每旗叅領轟七。  
海螺七。每驍騎四人。用小旗一。以上頭隊大臣  
共十有六人。將校二百九十六人。兵四千四百

十人。兵額各按此。應用燧共六十四。前鋒營

小旗六十四。海螺共百四十二。此內撥出前鋒

營前鋒統領一人。前鋒叅領二人。前鋒侍衛二

人。前鋒二百人。護軍營護軍統領一人。護軍叅

領八人。護軍四百人。驍騎營副都統二人。叅領

八人。散秩官十有六人。驍騎校十有六人。驍騎

三百二十人。再於滿洲火器營內。撥出烏槍護

軍叅領四人。烏槍護軍百六十人。烏槍驍騎叅

領二人。烏槍散秩官四人。烏槍驍騎百六十人。

共撥大臣四人。官六十二人。兵千二百四十人。

於退兵時殿後。次隊護軍營。每翼護軍統領一

人。每旗護軍叅領三人。每佐領下護軍三人。每

旗護軍統領燧一。八旗海螺共四十八。每護軍

六人。用小旗一。驍騎營。每翼都統一。副都統

二人。每旗驍騎叅領一人。每叅領下散秩官一

人。驍騎校一人。每佐領下驍騎一人。每旗叅領

燧四。海螺四。每驍騎四人。用小旗一。以上共大

臣八人。將校百四十四人。兵三千五百二十八

人。舊制將校百八十六人。兵四千二百五十六

人。後裁去長槍營將校四十二人。兵七百二十  
存八人。額應用燧四十。海螺八十。左右兩翼應援

兵。護軍營。每翼護軍統領一人。每旗護軍叅領二人。每佐領下。護軍一人。每旗護軍統領燾一人。每護軍四人。用小旗一。驍騎營。每翼都統一人。副都統二人。每旗驍騎叅領一人。每叅領下散秩官各一人。驍騎校各一人。每佐領下。驍騎一人。每旗叅領燾三。海螺三。每驍騎四人。用小旗一。以上左右兩翼應援兵隊。大臣共八人。將校百三十六人。兵千七百六十四人。舊制。將校百二十千三百五十九人。後裁去長槍營將校應三十八人。甲兵五百九十五人。存今額。燾三十二。海螺二十四。鑾儀衛蒙古畫角六。官

七人。鳴角軍二十一人。五旗諸王蒙古畫角十。官十人。鳴角軍二十人。海螺親軍十有二人。以上蒙古畫角共十有六。官共十有七人。鳴角軍共五十三人。禁約喧譁。每旗護軍叅領各一人。護軍校各一人。護軍各四十人。滿洲蒙古漢軍三旗合委散秩官八人。驍騎校八人。驍騎三百二十人。以上官共三十二人。兵共六百四十人。滿洲蒙古漢軍三旗合委傳宣官八人。驍騎校八人。護軍校八人。共二十四人。以上八旗各營共委出大臣四十九人。將校千三百六十一人。

兵萬八千七百七十一人。陣後共設三十四營。左翼漢軍火器四旗四營。滿洲火器四旗四營。前鋒四旗一營。四旗護軍營與驍騎營相間立八營。右翼漢軍火器四旗四營。滿洲火器四旗四營。前鋒四旗一營。四旗護軍營與驍騎營相間立八營。每營廣二十四丈。長四十丈。各營相去各一丈。共三十二丈。自立營處至次隊排列處相去七十五丈。次隊護軍驍騎排列。每旗廣一百十有一丈。共廣八百八十八丈。自次隊至頭隊排列處相去十有五丈。頭隊護軍驍騎排

列。每旗廣一百十有一丈。共廣八百八十八丈。頭隊左右應援兵排列。每旗五十五丈五尺。共廣四百四十四丈。合計頭隊護軍驍騎兩翼護軍驍騎排列。共廣千三百三十二丈。頭隊之前前鋒排列。每旗廣十有二丈。共廣九十六丈。自頭隊至鹿角排設處相去二十五丈。漢軍鹿角火礮鳥槍排列。廣三百三十八丈。滿洲火器營鳥槍護軍驍騎排列。每旗廣三十七丈。共廣二百九十六丈。漢軍鹿角火器營兵滿洲火器營兵排列。共廣六百三十四丈。自鹿角排設處至

初次進步。相去二十丈。自初次進步。至第十次。每進七丈五尺。九進。共六十七丈五尺。頭隊兵出鹿角外排列。去鹿角排列處十有五丈。呼譟前進五十步。駐立。去鹿角外排列處二十五丈。殿軍殿後處。去前進駐立處十有五丈。前離八旗號纛五丈。八旗號纛與

閱武臺相隔百五十丈。自立營處至

閱武臺。相去四百十有二丈五尺。○乾隆三年奏。準。奏請閱兵。由部三年一次。於歲杪具奏。請旨。如遇

皇上閱兵之年。由部先期開列諸王。并領侍衛內大臣。都統。前鋒統領。護軍統領等銜名具奏。恭候欽點。王公大臣。操演兵丁。其本年八旗合操。及點驗器械。均停止。至管隊大臣。除滿洲火器營總統。前鋒統領。各率本營兵丁排列外。所有管領漢軍火器兵。應用都統四人。副都統八人。頭隊應用都統四人。護軍統領二人。副都統八人。二隊應用都統二人。護軍統領二人。副都統四人。左右兩翼兵隊。應用都統二人。護軍統領二人。副都統四人。共四十二人。由演兵王大臣等簡選。繕錄

頭簽具奏恭俟

欽命。應用將校甲兵。由演兵王大臣。行文各該旗按  
佐領數目分撥。應用火礮。烏槍。盔甲。軍器。纛。旗。  
鹿角。金鼓。蒙古畫角。海螺。由演兵王大臣。行文  
各該管衙門。先期修理備用。八旗大臣。於出場  
馬匹未回之先。將該旗撥出大閱之官兵。於本  
旗教場操演。若值滿洲蒙古漢軍三旗合操。於  
兩黃旗教場操演。若四旗合操。或於安定門外  
或於楊山窪操演。俟場馬全回。演兵王大臣等  
先於楊山窪會合八旗操演一二次。再往南苑

操演一二次。酌令撥甲操演。○四年奏準。大閱  
吉期。由操演兵丁王大臣。約計月分。奏請交與  
欽天監選擇。先期二日。各旗往南苑設立連營。  
演兵王大臣等。會同領隊大臣。率官兵前往住  
宿。武備院設

御營帳殿於南苑。晾鷹臺。

帳殿後設圓幄。恭候

皇上躬御甲冑。鑾儀衛於

帳殿前左右。設三旗蒙古畫角。兵部設八旗護軍  
傳令海螺。皆乘馬以次排至鹿角前。八旗各建

號燾於本旗汛地。列八旗漢軍鹿角於陣前。中列漢軍礮車。左右列滿洲礮車。烏槍護軍驍騎。以次排列。八旗前鋒。在火器營兵之後。首隊之前排列。其次護軍驍騎。各按本翼本旗排列成陣。次隊護軍驍騎。在頭隊兵後。按翼按旗排列。又設兩翼援兵。於頭隊兩旁。各張旗幟。既成列。兵部堂官奏請。

皇帝閱操

駕臨瞭鷹臺圓幄。躬擐甲冑。扈從內大臣侍衛親軍等。均甲冑。兵部堂官奏請。

親閱隊伍。內大臣兵部堂官前導。後扈大臣及總理閱兵王大臣。隨從之內大臣。近侍侍衛。大學士。親隨大臣等。均隨行。其次豹尾班侍衛隨行。又次黃龍大燾隨行。又次上三旗侍衛按次隨行。各部院大臣。在不隨行。在火器營兵之後。頭隊之前。自左至右。閱隊一周。親閱隊伍。臨時奏請。至大閱之日。遇風仍閱兵。遇雨雪改期。還。

御瞭鷹臺帳殿。部院大臣。均蟒袍補服。在

黃幄前兩旁排列。豹尾班三旗侍衛。量其地方。按翼排列。豹尾班後建設黃龍大燾。三旗侍衛按

隊環衛。八旗傳宣官於臺下兩旁乘馬排列侍衛每翼六人乘馬立傳宣官之前。近臺排列新滿洲索倫蒙古侍衛內馬上嫻習者三十人控馬。在傳宣侍衛之末按翼排列。此三十人備控軼馬不探甲兵部尚書進前跪奏請鳴角。

帳殿前蒙古畫角先鳴傳令海螺。以次遞鳴聲至鹿角前擊鼓。頭隊次隊海螺畢鳴傳令海螺。漸次退回臺下兩邊排列。舉鹿角兵聞擊鼓鳴螺而進。鳴金而止。麾紅旗則礮槍齊發。鳴金則止。如此九次。至第十次連環齊發。鳴金三次。連環

乃止。滿洲礮至第七次停發。將礮馱載馬上。入隊隨行。連環發畢。鳴金後鹿角分爲八門。頭隊前鋒護軍驍騎排開駐立。次隊亦隨進。在礮槍之後駐立。頭隊排齊。候鳴螺。皆聲喊前進。兩翼應援兵亦斜向前進。以次及殿後兵進。八旗滿洲火器營礮位鳥槍護軍驍騎頭隊前鋒護軍驍騎按數各赴本旗號燾相近處駐立。將鹿角分爲八門。鳴螺而回。在原排列處排列。頭隊兵回後。鳴螺。殿軍亦結隊回鹿角內。在原排列處排列。畢。兵部堂官奏。

大閱禮成。

駕御圓幄。釋甲胄。隨從大臣侍衛隨釋甲。

駕還行宮。管領兵丁之大臣。咸釋甲。各率該管官兵。

按隊伍。沿途嚴行管轄。陸續進城。每旗應

賞饌筵五十席。猪二十。羊二十。並木炭等物。由演

兵王大臣等。行文該衙門預備。監看

賜食。每旗王一人。大臣二人。由演兵王大臣等。行文

宗人府吏兵二部。咨取職銜。奏請

欽點。並委內務府官。內管領驍騎校。尚茶尚膳人等

管理。所有饌筵猪羊等物。即交王等護衛官員

人役。協同備辦。於大閱日黎明。王大臣並內務  
府官尚茶尚膳人等。共同監看。務令暖食。

Large stylized watermark characters, likely '上海' (Shanghai), printed across the center of the page.



